

ԲՈՒՆԱԳԱՂԹՈՒԱԾՆԵՐԻ ՀԻՄՆԱՀԱՐՑԵՐԸ ՀԱՅԱՍՏԱՆՈՒՄ

Բոնագաղթուածները խնդիրը երկրի համար համեմատաբար նոր եւ առաւել ցաւոտ հարցերից է: Նախկին Խորհրդային Միութեան տարածքում փախստականների ընդհանուր թիւը կազմում է ծոտ 600 հազար մարդ, չհաշուած վերջին մի քանի ամսում Հարավային Օսեթիայում եւ Կովկասում ծաւալուած դէպքերի հետեւանքով առաջացած բնակչութեան տեղաշարժերը: Նրանց մեծ մասը հայեր են: Հիմնականում Ադրբեջանից (320 հազար) եւ Ճիւրթեան այլ տարածքաշրջաններից (30 հազար), 210 հազարը ներկայումս գտնուած է Հայաստանում, մնացած 140 հազարը սփռուած է Ռուսաստանի տարածքում (Հիւսիսային Կովկաս, Ռոստով, Մոսկուա եւ այլն), Հանրապետութեան տնտեսութեան նախարարութեանը կից Տնտեսագիտութեան ինստիտուտի կողմից կատարուել են ընտրանքային սոցիոլոգիական հետազոտութիւններ Հայաստանի գիւղերում եւ բարձրներում տեղաբաշխուած բոնագաղթուածների շրջանում, նպատակ ունենալով վերլուծել եւ բացատրել նրանց միջավայրում առկայ հիմնահարցերն ու իրավիճակը: Հատուածաբար ներկայացնում ենք այդ հետազոտութեան արդիւնքներն ու ուրուագծուող խնդիրները:

Հիմնահարցերի գումարելիները

Հայաստանի տնտեսութիւնն ու ընկերային ոլորտը փաստօրէն ի վիճակի չէին փախստականների այդ զանգուածի ընդունման, տեղաբաշխման ու առաւել եւս կեցութեան բարօք պայմաններ ըստնդծելու համար: Ընդ որում առկայ են եւ առարկայական, եւ ենթակայական բնոյթի դժուարութիւններ: Առարկայական դժուարութիւններից կարելի է առանձնացնել գաղթականների մեծ քրտաւանակը համեմատած հանրապետութեան տնտեսական եւ տարածքային հնարաւորութիւնների հետ, դրան գումարած աւերիչ երկրաշարժի հետեւանքներն ու ներկայ տնտեսական ճգնաժամը: Բացի դրանից, Հայաստանի եւ Ադրբեջանի միջեւ բնակչութեան «փոխանակութիւն»ը համարձէ՛ չի կարելի համարել՝ արտագաղթեց գիւղական բնակչութիւն, իսկ ներգաղթեց հիմնականում քաղաքային բնակչութիւն: Միւս կողմից, պէտք է նշել, որ ներգաղթած բնակչութեան մասնագիտական կազմը չի համապատասխանում հանրապետութեան ժողովրդական տնտեսութեան պահանջմունքներին: Այս առարկայական դժուարութիւնների կողմին չի կարելի անտեսել նաեւ այն փաստը, որ առ այսօր հանրապետութիւնը կարծես թէ չի գիտակցել փախստականների հիմնահարցերի ծաւալներն ու բնոյթը: Բացակայում է երեւոյթի համակողմանի եւ ամբողջական պատկերը, չկայ բոնագաղթուածների տեղաբաշխման, աշխատանքի տեղաւորման ու ընտելանալու յատուկ ու բաւարար պետական ծրարագիր:

Հետազոտութեան արդիւնքներից ելնելով կարելի է ձեւակերպել բոնագաղթուածներին առնչուող, հանրապետութեան առջեւ ծառացած հետեւեալ խնդիրները:

1. Փախստականների կարգավիճակի ընդունում հանրապետութեան Գերագոյն Խորհրդի կողմից: Այն կ'ապահովի մի շարք արտօնութիւններ (ժամանակաւոր) փախստականներին գրանցման, աշխատանքի տեղաւորման, հարկման, վարկաւորման, վերապատրաստման եւ այլ հարցերում: Այս կարգավիճակի ժամկէտը կարող է ժամանակաւոր լինել, ասենք, 5 տարի: Պէտք է հաշուի առնել, որ նշուած միջոցառումը հանրապետութեան բիւջէի համար բաւականին ծանր կը լինի, հետեւապէս անհրաժեշտ է միաժամանակ ֆինանսաւորման ուրիշ աղբիւրներ եւս գտնել, օրինակ, մի-

ջազգային կազմակերպութիւններից:

2. Բնակարանային պայմանների ապահովում եւ տեղաբաշխում: Ծառ թէ էլ բարօք, սեփականը համարուող բնակարաններով ապահովուած են փախստականների միայն 60 տոկոսը, ընդ որում նրանցից մօտ 30 տոկոսը գոհ չեն տեղաբաշխումից եւ կը ցանկանային տեղափոխուել (հիմնականում հանրապետութեան կենտրոնական շրջաններ), փախստականների 40 տոկոսը կամ մօտաւորապէս 80 հազ. մարդ ապրում են յարմարեցուած շէնքերում՝ հանրակացարաններում, հանգստեան տներում, նոյնիսկ նախկին բանտում կամ հարազատների մօտ: Փախստականների Կոմիտէի որդեգրած փաստօրէն բռնի կերպով հեռաւոր լուծուած գիւղերում մարդկանց բնակեցման քաղաքականութիւնը պէտք է նկատուել ոչ ճիշտ: Փորձը ցոյց է տալիս, օրինակ, որ Վարդենիսի եւ Կրասնոսելսկի շրջաններում տեղաբաշխումից յետոյ սկսուած է փախստականների արտահոսք դէպի կենտրոնական շրջաններ կամ հանրապետութիւնից դուրս: Այս միտումը մօտ ապագայում կարող է բերել այդ գիւղերի վերալման:

3. Աշխատանքի տեղաւորման հարցերը: Ըստ տուեալների, աշխատունակ փախստականների մէկ երրորդը չունի մշտական աշխատանք, իսկ աշխատողների էլ մէկ երրորդն էլ զբաղուած է ոչ մասնագիտական աշխատանքով:

4. Ընկերային-հոգեբանական յարմարաւածութիւնը: Լուրջ մտահոգութեան տեղիք է տալիս փախստականների եւ տեղացիների կուլտուր-կենցաղային առանձնաչատկութիւնների եւ սովորութիւնների տարբերութիւնը: Ընդ որում, ըստ սոցիոլոգների, այդ տարբերութիւնները կը պահպանուեն դեռեւս երկար տարիներ եւ միայն երրորդ սերնդի ժամանակ դրանք լրիւ կը վերանան: Տպաւորութիւն է ստեղծուած, որ այս խնդիրը լրիւութեամբ չի գիտակցուած հանրապետութեան կառավարութեան եւ բնակչութեան կողմից: Օրինակ, լեզուի հարցում փախստականների նկատմամբ նոյն պահանջներն են ներկայացուում, ինչ որ բնիկներին:

5. ՀՀ փախստականների զրեծով Կոմիտէի գործունէութիւնը: Ինչպէս ցոյց են տալիս հետազոտութիւնների արդիւնքները, Կոմիտէի աշխատանքը չի բաւարարում ներկայացուած պահանջներին: Նրա ֆունկցիաներն ու իրաւասութիւնները բաւարար չեն: Փախստականների շատ հարցեր չեն լուծուում այս պատճառով եւս, որը

ոչ մի կերպ չի կարելի առարկայական համարել:

Հիմնահարցի արդիականութիւնը

Բոնագաղթուածների հիմնահարցի սրութիւնը, ելնելով հանրապետութեան շահերից, որոշուած է մի շարք կարեւոր հանգամանքներով:

1. Մարդասիրական: Հայ փախստականների դրութեան իւրաչափութիւնն այն է, որ նրանց մեծ մասը բոնագաղթել են ոչ թէ իրենց հայրենիքից օտար երկիր, այլ օտար տարածքաշրջանից (օրինակ, Բաբու քաղաքից)՝ իրենց պատմական հայրենիքը: Եւ եթէ այլ դէպքերում հիւրընկալող երկիրը փախստականների առջեւ ոչ մի պարտաւորութիւն չի ունենում, բացի բարոյականից, ապա մեր դէպքում այդ բարոյական պատասխանատւութիւնը փախստականների՝ մեր հայրենակիցների առջեւ, վերանում է «անպայմանական պահանջի», առաւել եւս, որ հանրապետութիւնն ինքը ինչ-որ չափով Ադրբեջանից նրանց բոնագաղթի դրդմանը «մասնակից» է:

Այս հանգամանքի յատուկ կարեւորութիւնը պէտք է ընդգծել, քանի որ մնացած աշխարհի վերաբերմունքը Հայաստանի նկատմամբ, որն ինքը օգնութեան կարիք ունի, շատ բաներով պայմանաւորուած է նրանով, թէ որքանով մեր հանրապետութիւնը ազնուօրէն, հետեւողաբար եւ իր ուժերի ներածին չափով կը կատարի իր պարտը փախստականների առջեւ փախստականների համար պէտք է ստեղծուի առաւել բարենպաստ կարգավիճակ, նրանք պէտք է համոզուեն, որ գտնուում են ոչ օտար ակերտում եւ որ նրանց խնդիրների լուծուելու են ու ուշադրութիւնը նրանց նկատմամբ ոչ թէ անցողիկ բնոյթ ունի, այլ պետական քաղաքականութեան տարր է:

2. Տնտեսական: Պէտք է նշել, որ գաղթականները նրանց ապաստան տուող երկրների ապագայ հարստութիւնն են: Հայաստանի փախստականները տիրապետում են նշանակալից (աւելի բարձր, քան միջին հաշուով հանրապետութեան բնիկ ազգաբնակչութիւնը) կրթական, մասնագիտական եւ աշխատանքային պոտենցիալի, որը չպէտք է մնայ ապարդիւն, մսխուի, այլ ընդհակառակը, պէտք է արուի ամէն ինչ որպէսզի այն ծառայի հանրապետութեան տրեւտեսական զարգացմանը:

Եթէ հանրապետութիւնը չկարողանայ օգտուել այս վերաբրտադրուող հարստութիւնից, ապա դժուար է սպասել, որ նրան կը վստահուեն այլ խոշոր չվերաբրտադրուող ներդրումներ կամ բարեգործական միջոցներ:

Ազգագրական: Փախստականների տեղաւորման դժուարութիւնները ունեն նաեւ այն բացասական հետեւանք, որ կարող է բերել նրանց հանրապետութիւնից հեռանալուն: Պատահականութիւն չէր գաղթուածների 300 հազար քրտաւանակի մասին մամուլի տեղեկատւութիւնը: Այդ թիւն աւելի հաւանական է, քանի որ մօտ 80 հազար բոնագաղթուածներ էլ են

հանրապետութիւնը յոյս չունենալով մօտակայ տարիներին շատ թէ էիչ բարօք կենսապայմաններ ունենալ Հայաստանում: Պարզ է, որ նախկին ԽՍՀՄի այլ տարածքաշրջաններում էլ, յատկապէս վերջին տարիներին, հայ փախստականներին «գրկաբաց» չեն ընդունում: Արդիւնքում, Միութիւնից արտագաղթի խթանման մէկ լրացուցիչ գործօնն էլ է առաջանում: Ըստ էութեան այս փաստերը կարելի է գնահատել տարբեր ձեւերով: Ինչքան շատ փախստականներ մեզ լինեն, այնքան էիչ խնդիրներ՝ հանրապետութեան համար, սա մէկ գնահատական: Վայել չէ հայրենակիցների նկատմամբ, որոնք ի վիճակի են կրկնապատկել հանրապետութեան հարստութիւնը, այդքան անտարբեր լինել: Այս էլ մէկ ուրիշ գնահատական: Հասկանալի է, որ երկրորդ մօտեցման առաւելութիւնը պարզաբանման կարիք չունի:

Ընկերային-հոգեբանական:

Յայտնուելով ոչ սովորական միջավայրում, յաճախ առանց աշխատանքի եւ ընտանեկան օջախի, չկարողանալով ինքնահաստատուել եւ իրենց ուժերի ու ընդունակութիւնների կիրառման հնարաւորութիւններ գտնել, հազարաւոր փախստականներ կորցնում են իրենց մասնագիտական որակաւորումը եւ իրենց իւրայատուկ հասարակական բարոյականութիւնը: Իշխանութիւնների եւ տեղաբնակների հետ էլ «ընդհանուր լեզու» չգտնելով, չկարողանալով իրենց վիճակի ամբողջ դառնութիւնը հասկացնել դիմացինին, որպէս օրինաչափութիւն, փախստականները ներփակուում են իրենք իրենց մէջ, չկարողանալով արդէն նոյնիսկ սովորական երկխօսութիւն վարել, յաճախ այն փոխարինելով փոխադարձ գոռոռոցներով ու վիրաւորանքներով:

Բացի հանրապետութեան ամբողջ բնակչութեան համար ընդհանուր դժուարութիւններից, բոնագաղթուածներն ունեն լրացուցիչ դժուարութիւններ կապուած բնակութեան նոր վայրերում տեղաւորման եւ յարմարուելու հետ: Սակայն կայ մի դժուարութիւն եւս՝ տնտեսական իշխանութիւններից եւ տեղի բնակչութիւնից նրանց օտարացումը: Տեղական (երբեմն էլ կենտրոնական) իշխանութիւնները, որոնց փախստականների դիմումները, խնդրանքները «խանգարում են նորմալ աշխատել», յաճախ սահմանափակում են փախստականներին աղըրբեջանցիների կողմից լուծուած եւ բնակութեան համար անպիտան հանրապետութեան ծայրամասային գիւղերն ուղարկելով եւ միաժամանակ խոտաւանալով նրանց խնդիրներով զբաղուել 5-10 տարի յետոյ, երբ հանգամանքները թոյլ կը տան: Լուրջ ուշադրութիւն պէտք է դարձնել նաեւ արդէն տեղաւորուած փախստականների եւ տեղաբնակների միջեւ փոխադարձ անվստահութիւնն ու լեզուական պատմեջի առկայութեանը, որոնք ընկերային լարուածութիւն են ըստտեղծում հանրապետութիւնում եւ ինչ որ չափով բարեբար հող են նախապատրաստում յանցագործութիւնների աճի եւ քրէական իրավիճակի խորացման համար:

Առանձին հիմնահարցերին կ'անդրադառնանք առաջիկայում: